



**DON JULIO GONZÁLEZ CASANOVA, SECRETARIO DO CONCELLO DE FRIOL, PROVINCIA DE LUGO,**

## **CERTIFICO:**

Que polo Pleno do Concello, en sesión ordinaria celebrada o día vinte e un de marzo de dous mil vinte e catro, adoptou, entre outros, o acordo, do que se transcribe a continuación a súa parte dispositiva:

**“3.- MODIFICACIÓN ORDENANZA REGULADORA DA TAXA POLA PRESTACIÓN DO SERVIZO DA PISCINA MUNICIPAL.-** Dáse conta ao Pleno do Concello da proposta de modificación da Ordenanza Fiscal reguladora da taxa pola prestación do servizo de piscina municipal. Na mesma dise que o obxectivo que se propón coa modificación é contribuír ao incremento dos ingresos municipais, que hai tempo se atopan estancados. Elo non vai parello co gasto, que medrou nos últimos exercicios. Elo polos servizos que o concello presta á cidadanía, que se foron incrementando notablemente. Tamén o esforzo realizado en investimentos, tanto os realizados con cargo a fondos municipais, como os derivados das obrigas de cofinanciación impostas por outras administracións para a realización de investimentos no concello. Tamén as subidas de salarios de persoal, así como dos materiais e subministrados.

Ademais das razóns expostas, e neste caso concreto, trátase dun servizo deficitario, xa que a recadación das épocas estivais anteriores foi insuficiente para cubrir os custes de prestación de servizo. Por elo, debe procederse ao incremento dos importes contemplados na ordenanza no seu día aprobada, hai quince anos, sen que desde a súa aprobación fora obxecto de modificación

Á vista do disposto na vixente lexislación de réxime local, así como no Real Decreto legislativo 2/2004, de 5 de marzo (polo que se aproba o Texto Refundido da Lei Reguladora das Facendas Locais), e considerando que é competencia do Pleno a aprobación da determinación dos recursos tributarios, despois das intervencións ao respecto, o Pleno do Concello en votación ordinaria e por nove votos a favor (do Alcalde-Presidente e dos concelleiros do Grupo Popular asistentes á sesión) e co voto en contra da concelleira do Grupo Mixto **ACORDA:**

- A aprobación inicial da modificación da ordenanza fiscal reguladora da taxa pola prestación do servizo da piscina municipal, segundo o texto que se transcribe a continuación, como ANEXO.
- Que se someta ao trámite de información pública no taboleiro de anuncios, así como na sede electrónica do concello por un prazo de trinta días hábiles, contados a partir do seguinte ao da publicación de edicto no Boletín Oficial da Provincia, para que os interesados poidan examinar o expediente e presentar as reclamacións que estimen oportunas, no devandito prazo.
- Que se dea conta ao Pleno do Concello das reclamacións que se presente, que se resolverán polo mesmo con carácter definitivo. No caso de non presentarse o acordo, ata entón provisional, elevarase a definitivo, sen necesidade de novo acordo plenario.
- Que o acordo definitivo e a ordenanza fiscal se publique no Boletín Oficial da Provincia, para a súa vixencia e posible impugnación xudicial, conforme ao previsto no art. 17 do Real Decreto legislativo 2/2004 de 5 de marzo, polo que se aproba o Texto Refundido da Lei reguladora das facendas locais.

## **ANEXO**

### **MODIFICACIÓN ORDENANZA REGULADORA DA TAXA POLA PRESTACIÓN DO SERVIZO DE PISCINA MUNICIPAL.**

**Art. 4.1.- Contía.-** No referente á contía da Taxa Reguladora desta Ordenanza serán as que a continuación se relacionan:

#### **ENTRADAS DIARIAS**

- Maiores de 14 anos: 5,00€
- De 5 a 14 anos: 2,00€

#### **ABONOS**

- Individual: 25,00€
- Familiar: Que comprende ás parellas e no seu caso os fillos menores de idade que residan no mesmo enderezo: 50,00€.

#### **CURSOS DE NATACIÓN**

- Os que se acollan ao abono de temporada: 20,00€.





## **CONCELLO DE FRIOL (LUGO)**

- No caso de non ter o abono de temporada: 30,00€.

Os aboamentos darán dereito ao disfrute das instalacións desde a data de apertura ata a data de peche das instalacións.

Os menores de 5 anos: estarán exentos de pagamento.

### **DISPOSICIÓN FINAL**

A modificación da Ordenanza fiscal, someterase a aprobación inicial do Pleno do Concello na sesión de marzo de 2024. Elo supón a modificación do texto aprobado polo Pleno na sesión celebrada o 27 de marzo de 2008. No resto do texto que non é obxecto de modificación, continuará en vigor a ordenanza actualmente vixente. A modificación entrará en vigor o mesmo día da súa publicación no Boletín Oficial da Provincia, e comezará a súa aplicación a partires do seguinte ao da súa publicación no Boletín Oficial da Provincia, permanecendo en vigor ata a súa modificación ou derogación expresa”.

E para que así conste, e coa salvedade prevista no art. 206 do Regulamento de Organización, Funcionamento e Réxime Xurídico das Corporacións Locais expido a presente de orde e co visto e praxe do Sr. Alcalde-Presidente, en Friol, na data da sinatura electrónica á marxe reflectida.

**Vº e Pº**  
**O ALCALDE,**

